

Dort oben am Bergerl



- 1) Dort oben am Bergerl  
steht an Acker voll Ruabn,  
da sitzt a schöns Dirndal  
und want um ihr'n Buam.
- 2) Dirnderl, magst an Risula,  
oder magst an Kaffee,  
oder magst in an Schalerl  
an russischen Tee?
- 3) I mag koan Risula,  
i mag koan Kaffee,  
mei Schatz is mir untreu,  
mei Herz tuat ma weh.
- 4) Mei Herz tuat ma weh,  
wo i geh, wo i steh,  
wo i sitz, wo i loahn,  
is mei Herz wia Stoa.
- 5) Aber Dirnderl tua nit woana,  
aber Dirnderl tua nit klogn,  
denn a so a schöns Dirnderl  
kann glei wieder an habn.